

萍鄉縣志卷四

學校志

郡縣學祀孔子禮叔於漢而廟建於唐元明定制遂以孔子廟爲學卽古鄉學也我

朝生徒有額而優之以廩餼書籍有頒而董之以儒官其嘉惠士林者至周且渥矣萍鄉學凡八遷士之經明行修者駸駸乎日進於古至於置書院立社學猶有黨庠家塾之遺意焉大人才盛而藝術修經學廣而師儒重所以厚人心培國脈者於是乎在作學校志

學宮

萍鄉縣志

卷四

學校 學宮

唐武德時縣令唐萼初建學於縣南寶積寺左

宋紹興時因兵燬知縣事郭濤徙建於尉司左二十二年知縣事程昌時遷建縣右乾道四年知縣事趙公廩主簿袁采徙縣治後車田淳熙十年知縣事孫逢吉重修嗣是知縣事周世昌林環皆葺治焉

元皇慶二年知州燕琦重修至正十二年兵燬

明洪武四年知縣李順英謀重創別立講堂齋舍築射圃司教之宅於其後二十八年知縣袁均正增建尊經閣正統元年知縣劉敬建饌堂十一年知縣鄧福建講堂宏治元年水圯知縣江吉遷建西隅沈家窰左十七年知府朱華知縣張時孜改建縣

南寶積寺東正德十年知府徐璉知縣俞廷濟從教諭俞章請
復建沈家窰原所十二年知縣高桂增修嘉靖三年副使查約
僉事余珊改建於西隅大街蓋自武德至是更迭八遷擇建六
地而後爲今學焉三十五年知縣楊自治大加修葺二門夾道
并植以柏萬曆四年知縣黃臺訓導劉文和修七年知縣常自
新修十年署縣通判薛諫重修廡宇十二年署縣同知陶之省
修十三年知縣姚一理修建敬一亭設神庫神廚祭器書籍置
育才進德齋十六年水圮二十二年知縣陸世勣修改建敬一
亭教官宅增置祭器書籍三十六年知縣韓洵修四十二年知
縣李維喬修四十七年知縣楊烈修崇禎十年臨藍賊起迄癸
未甲申兵寇絡繹學圮

萍鄉縣志

卷四

學校 學官

二

國朝順治十年知縣吳興祚修嗣知縣刁之裔修康熙四年知縣
臺瞻斗糾諸生重建八年知府李芳春修知縣孟宗舜記二十
年知縣常維禎修雍正十二年知府薄履青檄知縣熊我蘇集
紳士改建於明倫堂左以舊址爲明倫堂乾隆四十六年知縣
胥繩武率紳士林立基等重修道光二年知縣甘恪任率紳士
修咸豐七年知縣哈爾噶尙阿修同治十年邑紳重修

泰舊志

崇聖祠

明倫堂在文廟右

教諭署在明倫堂甬道右乾隆元年教諭林道煌修二十六年教

諭張圖南修三十九年教諭張司直修四十八年教諭邱祥修
嘉慶十三年教諭張世英修道光二十八年教諭蕭厚均修
訓導署在教諭署前乾隆二十六年訓導賀禧修四十二年訓導
徐乘時修嘉慶十五年訓導曾邦暉修

魁星閣在學宮左旁
後圯

名宦祠在戟門左

鄉賢祠在戟門右

忠義孝悌祠在戟門外左旁

節孝祠在戟門外右旁

萍鄉縣志

卷四

學校 學宮

三

學制 學額 學田附

康熙二十三年

欽頒萬世師表匾額

雍正四年

欽頒生民未有匾額

乾隆三年

欽頒與天地參匾額

嘉慶三年

欽頒聖集大成匾額

道光元年

欽頒聖協時中匾額

咸豐元年

欽頒德齊疇載匾額

同治二年

欽頒聖神天縱匾額

歲春秋仲月上丁日致祭

至聖先師孔子

用牛一羊一豕一餘品如式

東配

復聖顏子

萍鄉縣志

卷四

學校 學制

四

述聖子思子

西配

宗聖曾子

亞聖孟子

以上四壇各用羊一豕一餘品如式

東哲

先賢

閔子損

冉子雍

端木子賜

仲子由

卜子商

有子若

西哲

先賢

冉子耕

宰子予

冉子求

言子偃

顓孫子師

朱子熹

以上二壇各用羊一豕一餘品如式

東廡

先賢

公孫僑

林放

原憲

南宮适

商瞿

漆雕開

司馬耕

梁鱣

萍鄉縣志

卷四

學校 學制

五

冉孺

伯虔

冉季

漆雕徒父

漆雕豸

公西赤

任不齊

公良孺

公肩定

鄒單

罕父黑

榮旂

左人郢

鄭國

原亢

廉潔

叔仲會

公西與如

邾異

陳亢

琴張

步叔乘

秦非

顏噲

顏何

縣亶

牧皮

樂正克

萬章

周敦頤

程顥

邵雍

先儒

公羊高

伏勝

毛亨

孔安國

后 蒼

鄭康成

范甯

陸贄

范仲淹

歐陽修

司馬光

謝良佐

羅從彥

李綱

張栻

陸九淵

陳淳

真德秀

何基

文天祥

趙復

金履祥

陳澧

方孝孺

薛瑄

胡居仁

羅欽順

呂柟

劉宗周

孫奇逢

陸隴其

西廡

先賢

蘧瑗

澹臺滅明

宓不齊

公冶長

萍鄉縣志

卷四

學校 學制

公皙哀

高柴

樊須

商澤

巫馬施

顏辛

曹邱

公孫龍

秦商

顏高

壤駟赤

石作蜀

公夏首

后處

奚容蒧

顏祖

甸井疆

秦祖

縣成

公祖句茲

燕伋

樂歺

狄黑

孔忠

公西蔵

顏之僕

施之常

申棖

左邱明

秦冉

公明儀

公都子

公孫丑

張載

程頤

先儒

穀梁赤 高堂生 董仲舒 毛萇

杜子春 諸葛亮 王通 韓愈

胡瑗 韓琦 楊時 尹焞

胡安國 李侗 呂祖謙 袁燮

黃榦 蔡沉 魏了翁 王柏

陸秀夫 許衡 吳澄 許謙

曹端 陳獻章 蔡清 王守仁

呂坤 黃道周 湯斌

以上二廡各用羊三豕三餘品如式

一歲春秋仲月上丁日致祭

萍鄉縣志 卷四 學校 學制 七

肇聖王木金父公

裕聖王祈父公

詒聖王防叔公

昌聖王伯夏公

啓聖王叔梁公

以上五壇各用羊一豕一餘品如式

東配

先賢

孔氏孟皮 顏氏無繇 孔氏鯉

西配

先賢

曾氏點

孟孫氏激

以上二壇各用羊一豕一餘品如式

東廡

先儒

周氏輔成

程氏珦

蔡氏元定

西廡

先儒

張氏迪

朱氏松

以上二廡各用羊一豕一餘品如式

萍鄉縣志

卷四

學校

學制

八

祀儀

每歲仲春仲秋上丁日致祭

至聖先師主獻官分獻官暨陪祀官均致齋二日豫期既牲既割

牲皆如儀祭日陳設牲帛器數如儀雞初鳴正獻官率僚屬等

畢集戟門內

通贊

執事者各司其事

引禮生贊

就位引正獻官

分獻官陪獻官就位立

贊

瘞毛血

通贊

迎

神鞠躬拜

引贊

跪行九叩首禮樂奏昭平之章辭曰大哉

孔子先覺先知與天地參萬世之師祥徵麟紋韻答金絲日月既

搆乾坤清夷樂作

通贊

盥洗

引禮生贊

詣盥洗所酌水淨巾

通

贊上香

引禮生贊

詣

先師香案前贊跪正獻官跪引贊初上香二上香三上香奠爵叩首興不贊以次詣

四配位前跪上香儀同贊復位引正獻官退降階復位初迎神時引禮生分引東西序分獻官升東西階入殿左右門詣

十二哲位前跪上香退降階復位引兩廡分獻官詣先賢

先儒位前跪上香退降階復位均如前儀通贊行初獻禮奏宣平之章辭曰予懷

明德玉振金聲生民未有展也大成俎豆千古春秋上丁清酒既載其香始升樂作引贊詣酒樽所司爵者捧爵隨引贊詣

萍鄉縣志 卷四 學校 學制 九

至聖先師位前贊跪初進爵獻帛叩首興引禮生引正獻官以次詣

四配位前跪奠帛獻爵儀同退降階復位引禮生引兩分獻官升東西階入殿左右門詣

十二哲位前跪奠帛獻爵興退降階復位均如儀引兩廡分獻官詣

先賢 先儒位前跪奠帛獻爵復位儀同通贊讀祝引贊詣讀祝所位前

通贊跪司祝者跪讀祝辭曰維某年月日某官某致祭於至聖先師孔子曰惟

先師德隆千聖道冠百王揭日月以常行自生民所未有屬

文教昌明之會正禮節樂和之時辟雍鐘鼓咸恪薦夫馨香泮水

膠庠益致嚴於邊豆茲當春秋仲祗率彝章肅展微忱聿將祀典

以

復聖顏子

宗聖曾子

述聖子思子

亞聖孟子配尚饗叩首興復位

通贊

行亞獻禮樂止奏秩平之章

辭曰式禮莫愆升堂再獻響協鼗鏞誠孚疊獻肅肅雍雍譽髦

斯彥禮陶樂淑相觀而善樂作

引禮生

引正獻官升階贊詣

萍鄉縣志

卷四

學校 學制

十

至聖先師位前暨

四配位前奠爵於左如初獻儀兩序兩廡隨分獻畢均復位

通贊

行終獻禮樂止奏叙平之章辭曰自古在昔先民有作皮弁祭

菜於論思樂惟天牖民惟

聖時若彝倫攸叙至今木鐸樂作引正獻官升階奠爵於右如亞

獻儀兩序兩廡隨分獻畢均復位樂止

通贊

飲福受胙

引禮生

贊詣飲福受胙位引正獻官至殿中拜位前跪通贊飲福酒右

一人跪遞正獻官受爵拱舉以授於左

通贊

受福胙右一人跪

遞福胙正獻官受胙拱舉以授於左

引贊

叩首興復位引正獻

官退降階復位

通贊

謝胙正獻官分獻官暨陪獻官均跪行三

叩首禮興通贊徹饌奏懿平之章辭曰

先師有言祭則受福四海鬻宮疇敢不肅禮成告徹毋疏毋瀆樂

所自作中原有菽樂作徹畢樂止贊送

神奏德平之章辭曰鳧繹峩峩洙泗洋洋景行行止流澤無疆聿

昭祀事祀事孔明化我蒸民育我膠庠樂作通贊辭

神鞠躬拜正獻官分獻官暨陪獻官行三跪九叩首禮興樂止通

贊司祝者捧祝司帛者捧帛詣燎所所有司各捧祝帛至燎所焚

化正獻官斜向燎所贊望燎正獻官眡燎畢樂止引贊禮畢退

位

同日祭

萍鄉縣志

卷四

學校 學制

十一

崇聖祠正獻官分獻官行禮儀節同祝辭曰維某年月日某官某

致祭於

肇聖王

裕聖王

詒聖王

昌聖王

啟聖王曰惟

王奕葉鍾祥光開聖緒盛德之後積久彌昌凡聲教所覃敷率循

源而溯本宜肅明禮之典用申守土之忱茲屆仲春秋聿修祀事

以

先賢顏氏

先賢曾氏

先賢孔氏

先賢孟孫氏配尙饗

同日祭

名宦祠

唐令長唐萼

南唐制置使劉茂忠

宋知縣事張希顏

宋監稅周敦頤

萍鄉縣志

卷四

學校 學制

十二

宋知縣事鄭強

宋知縣事王謙

宋知縣事孫逢吉

宋知縣事何異

明知縣杜谷珍

明知縣何正

明知縣張時攷

明教諭郭大治

明知縣楊自治

明主簿陸天祚

國朝袁州府同知楊聲遠

國朝江西學道高璜

國朝江西巡撫白潢

國朝江西巡撫張芾

祝文

維某年月日某官某致祭於

名宦之靈曰昔官茲土咸有樹立媿非倖成功非揜飾孰彰於前
孰遠於聞穹碑信史遺跡賸芬施法死勤著在舊典禮以成之
敢用弗腆牽牲載醑進一公之堂擊鼓迎一神一神其我享尚
饗

同日祭

萍鄉縣志

卷四

學校
學制

十三

鄉賢祠

唐秘書正字唐廩

宋都官員外郎知歙州事許載

宋知衡州事彭舉正

宋職方郎中朱景暘

宋朝散大夫朱彥博

宋武昌節度推官羅尙友

宋郴州錄事參軍高漸

宋知衡州常甯縣事李格

宋知循州事湯夢觀

宋知新喻縣事黃袞

宋象州司理黃褒

宋廉州司法參軍黃嘉

宋黃澤遠

宋黃好信

宋團練使譚綺

宋淮陽軍節度推官文彥直

宋參廣西軍事潘修

宋胡安之

宋鍾詠

萍鄉縣志

卷四

學校 學制

十四

明浙江道監察御史簡迪

明羅彝

明雲南按察司副使簡繼芳

明邵武府知府吳三益

祝文

維某年月日某官某致祭於

鄉賢之靈曰民以俗習

賢因地靈身彝行獲鄉人所經或器沈

涵或節稜厲要其歸趨若執左契某水某邱

公所昔遊文獻

之餘賴有前修我享惟時以妥以侑颯然精爽鑒我邊豆尙饗

同日祭

忠義孝節祠

明孝子羅彝

明孝子南直太平訓導李魁春

明孝子四川威州州判李茂林

明孝子陳爾高

明孝子生員陳玉明

國朝孝子副貢生譚錫命 職員凌潛春

祝文

維某年月日某官某致祭於

忠義孝弟之靈曰惟 靈稟賦貞純躬行篤實忠誠奮發貫金石而不渝義問宜昭表鄉閭而共式祇事懋彝倫之大性摯莪蒿克恭念天顯之親情殷棣萼模範咸推夫懿德

萍鄉縣志

卷四

學校 學制

十五

綸恩特闡其幽光祠宇維隆歲時式祀用陳尊簋來格几筵尚饗

同日祭

節孝祠

明九位詳列女傳

國朝八百六十一位詳列女傳

祝文

維某年月日某官某致祭於

節孝之靈曰惟 靈純心皎潔令德柔嘉矢志完貞全閨中之亮節竭誠致敬彰閭內之芳型茹冰蘗而彌堅清操自勵奉盤匱而匪懈篤孝傳徽

絲綸特沛乎殊

恩祠宇昭垂於令典祇循歲祀式薦尊醪尚饗

祭器

木祝版二 銅登一 銅劍十二 銅簠十四

銅簋十四 大尊一 犧尊一 象尊一

山尊一 著尊一 雷尊一 豆五十六

籩五十六 篚九 俎三十二 錫爵二十七

香鼎九 香盤九 茅沙池一 燎鑪二

燎叉二 福杯一 胙盤一 錫燭臺二十

樂器

鐵鐘一 銅鐘十六 大鼓一 楹鼓一

萍鄉縣志

卷四

學校 學制

十六

應鼓一 鼗鼓二 搏拊二 琴六

琴几六 瑟二 笙六 龍笛六

鳳簫二 洞簫二 象簡六 塤二

篪二 祝一 敔一 石磬十六

麾幡二 干二 戚二 翟四十八

籥四十八 旌節二 羽毛一百四十

書籍

欽頌

御纂周易折中

欽定書經傳說彙纂

欽定詩經傳說彙纂

御纂周易述義

御纂詩義折中

御纂春秋直解

欽定三禮義疏

御批資治通鑑綱目前編

御撰資治通鑑綱目三編

欽定評鑑闡幽

欽定明史

聖諭廣訓

萍鄉縣志

卷四

學校 學制

十七

御纂性理精義

御製訓飭士子文

御纂日講四書解義

御纂詩初集二集

御纂文初集

欽定四書文

欽定學政全書

欽定授時通考

欽定清漢對音字式

學額 附

國朝順治四年定直省學額大學四十名中學三十名小學二十名
名萍爲小學額二十名廩膳生增廣生悉準其數廩生二年一貢
康熙九年定府學二十名州縣大學十五名中學十二名小學八名
武學之數如之雍正三年小學改中學中學改大學大學學視府學
萍鄉文童改中學額十二名而武學仍舊逢

恩詔大學加取七名中學五名小學三名府學視大學舉行不爲
例雍正九年覆准棚民另立籍與考其文武童生之數滿五十名
以上者額外取進文武童生各一名數滿百名以上者另取進二名
數滿二百以上者另取進三名其最多者亦以取進四名爲率如數
不滿五十名令與本籍童生一體憑文考取俟人

萍鄉縣志

卷四

學校 學額

十八

數至五十名再議定額其年例不符者不許濫行考試萍鄉舊有棚童俱係另額取進乾隆二十七年奉例棚民入籍二十年以上者許與本籍一體考試厥後萍邑棚民又俱改入本籍而棚籍與本籍遂無區別嗣因捐輸軍餉咸豐七年廣一次文武學額二名同治二年加廣文武學永遠額各三名一次學額各三名三年廣一次文武學額各四名又廣文武學永遠額各三名一次學額各二名六年加廣文學永遠額四名一次學額五十二名武學永遠額二名一次學額六十二名前後共廣文學永遠額十名一次額六十三名武學永遠額八名一次額七十三名統計文學定額二十二名武學定額十六名外撥府學無

定額 泰舊志

學田 附

明嘉靖甲寅通判葛之奇置臺湖田六十畝零戊午知縣楊自治增置上丹江水塘田二十七畝零萬曆甲戌巡撫都御史徐拭又置田分給五學萍鄉得連橋村田八十畝零又置桐木市田一百四十畝歲收租貽縣萬曆二十三年知縣陸世勤以民人湯堯袞堯啓自願入官新塘下揚桂塘田共三畝八分爲學田惟是諸所構置歲久荒蕪至

國朝雍正八年清丈時蓋歸之民間矣今所存者清江里一畝坐落北門外田五十把額租八石又折租錢六掛清江里二畝地

萍鄉縣志

卷四

學校 學田

十九

名黑古塘田三十把額租二石二桶仙桂里一畝地名侯家嶺田三百把額租二十四石永平里四畝地名彈子坑田一百五十把塘一區額租折錢十七掛玉山里一畝地名荒塘坑及白菓樹下田七百把額租五十二石四桶六升乾隆三十五年張鳳來捐同唐里一畝地名湖塘山背田三百把塘一區土一片額租折錢九掛嘉慶六年職員黃瀚捐萍實里地名秋江田六百把額租三十八石道光二十七年劉均哲劉均恩捐地名易家坊田三百把額租二十二石咸豐七年童光輝捐地名牛頭嶺大嶺背田六十把額租折錢八掛童毓中毓璋毓釐捐地名瓦子背田七十把額租八石邱欲巖欲耀欲龍捐地名龍形裡

田壹百把額租八石湯新猷捐地名曲坑田五十把額租折錢五掛咸豐十年職員王朝海捐地名夾山冲田壹百把額租六石共計租穀壹百六十八石六桶六升折租錢四十五掛每歲除完納

國課外概歸兩學師收作薪水道光三十年九品職葉敷榮武舉黃燾捐花廟前磨盤石店房直進三棟每年租錢捌仟文彙收兌銀詳送學憲給縣學廩生膏火

泰舊志

書院鰲洲書院義田附

鰲洲書院在小西門外明萬厯時知縣陸世勛建占鰲閣祀文昌神於其中康熙四十八年知縣賀邦楨修召僧入供並奉佛

萍鄉縣志

卷四

學校 書院

二十

於後堂乾隆二十一年知縣沈廷標建金鰲書院構堂舍數楹曰敬業曰樂羣閣下爲講堂祀宋儒二程朱張胡五賢四十七年知縣胥繩武重建有記易名堂曰觀水閣曰冠山東西置三十六舍遷僧歸於舊菴改後堂爲祠增祀周子於申額曰六賢祠有記道光元年知縣甘恪任重修三年知縣黃濬增祀朱子門人鄉賢鍾唐傑詠改稱七賢祠有記六年大水圯十三年職員文運隆修知縣楊際華記

泰舊志

濂溪書院在縣南寶積寺右後改禁鐘樓今廢今蘆溪市周子祠亦曰濂溪書院

東軒書院在縣東二里宋胡自齋講堂今廢

南軒書院在西路因張南軒嘗過此故名今廢

昌文書院在縣治西明嘉靖四十五年同知楊自治知縣蔣皆謨以儒學遺址改建萬曆戊寅署縣同知陶之肖重修今廢

煥文書院在舊學前今廢

凌雲書院在縣東蘆溪市龍頭山咸豐元年蔡振玉稟請邑侯馬九功建申詳請叙內有捐戶凌雲程張家瑋張家燮等均非萍籍有案 新輯

南臺書院在城南同治六年建新輯

鰲洲書院義田 附

康熙四十三年生員彭灝呈請知縣賀邦楨捐穀百石立社會後

萍鄉縣志

卷四

學校 書院

一一

以積年息穀置宣化里二畝地名小埭院東源坑逢源三畝地名軍江樓下傍壁埭西坑嶺嘴下等處田二千二百六十把乾隆時署縣徐崑斷歸書院乾隆二十三年生員文期聖州同職文集裡童生文象元捐名教里二保二畝地名羊古腦田二百五十把屋基一半塘一口半附貢葉應祥捐名教里三保二畝地名高岡舖田一百三十把高岡舖背後莊屋二間門首園土一片二十九年知縣張教置名教里二保二畝地名黃泥埭羊古腦楊田中心等處田一千二百把三十七年知縣王鑑置清江里二畝地名楊橋頭田一千二百把四十年通判歐陽鑰捐惠津里一保一畝地名柏葉埭田三百把又捐長豐鄉四保一

畝地名扶梯坑田三百把知縣馬友蘭有記四十七年知縣胥
繩武以鄉民私懇廷宜鄉宜風里一保二畝地名吹火埭田五
十把斷歸書院四十九年知縣胥繩武以仙居里二畝地名鱖
塘田二百五十把清教里一畝地名鯉子埭田十把清教里二
畝地名許家埭田九十把斷歸書院以上四處皆係鄉民改塘
作田五十九年同知蕭維文捐玉山里一畝地名鄧家洲田一
千一百七十把屋基園土一片嘉慶三年職員歐陽綱捐名惠
鄉惠津里地名方坪里田二百把道光二年封員熊鳴岐捐惠
津里田五百四十把樟樹下房屋六間傍屋九間山土一嶂三
年州同職陳有振捐永平里四畝地名白竺山口田一百三十

萍鄉縣志

卷四

學校 書院田

二二

把十三年買安樂鄉長平里一畝地名彭家冲田五百七十把
十四年文昌興會衆姓捐南門外武雲觀觀背冲田一百五十
把買觀化鄉清江里二畝地名十里舖背田三百九十把買觀
化鄉清江里一畝地名姚家屋桂花樹下田一百把十六年買
廷宜鄉宜風里一保二畝地名車溪頭田一百一十把同治五
年知縣張國英以各家罰款歸入書院置買書院後田壹千把
蓋洲四圍濱水悉書院業又惠津里二保二畝地名猪堽潭田
一百六十把

參舊志